

حقوقی بیکسیر مجموعه سی

آیدہ بر نشر اولنور

جزا لرك تأجيل

جزا قانونك وجوده كترديكي يكيلكردن اك مهمي هيچ شبهه سز بعض جزا لرك بعض شرائط دائره سنده تأجيلي در .

جزا لك غايه لرندن اك مهمي مجرمك اصلاحي اولديني بر متعارفه حقوقيه در . حالوكه قيصه جزا لر عموميتله مجرمك تخويف و اصلاحندن زياده كنديسنك اضلال و اخلاقك بستيون افسادندن بشقه بر شيئه ياراماقده در . اون بش يكرمي كون و يا بر ايكي آياق جزا لر محكومك حبسخانه محيطنه دوشمه سيله كندى معنوياتي خراب ايتكده و آنك ايچون قذا بر مكتب اوله رق آز چوق كنديسنده قالمش فضائل اخلاقيه نكده غائب اولسه سبييت و برمكده در .

بونك ايچون همان همان بالجمله متمدن دولترك قانونلرينه قويمش اولدقلى وجهله زده ده مظنون عايه ويره چكي بعض قيصه جزا لرى در حال چكدير ميمك اوزره حا كه بر صلاحيت و يرلشدر . ذاتاً ايكي قوانين جزا يه ده اك اول نظر دفته آنان اساس جزا لك شخصيلشدير لسي در .

بعض مجرمين واردر كه آكا على العاده قانونك بر فعل ايچون تعيين ايتديكي جزاي تطبيق ايتك بر فائده عمليه تأمين ايتمز و ايده مز . بونلر ايشله مش اولديني فعل ايچون قانونده تعيين اولنان جزاي چكمنسه رغماً همان همان متأثر اولمازلر . ايكنجى و اوچنجى دفعه اوله رق يكي بر فعل ايشله مكدن چكمنزلر . هر فعلك فاعلى ايچون قانونده تعيين اولنان حكم جزا نيك بو قسم مجرماره تطبيق كنديلرينك اصلاح حاللرينه يارديم ايتمز . اعتيادى مجرم ديديكمز بوكي كيمسه لر حقنده بدايه دها شديد و سرت حركت ايتك جمعيتك منافى احتياجنندر . واضع قانون تكرر حقنده موضوع احكام قانونيه ايله بو سبيدن دولايي اعتيادى مجرمار حقنده شديد داووامنى مجبوريتده قالمشدر .

نصل اعتيادى مجرمار حقنده واضع قانون بويله شدتكارانه حركت ايتك مجبوريتده قالمش ايسه تصادفاً برنجي دفعه ارتكاب جرم ايتمش و كنديسنك فعلنده و فطرتنده ردائت بولونمايان ابتدائى مجرماره قارشو دخي شفقت و مرمحتله حركت ايده رك حبسخانه محيطك چوق دفعه اضلالكار اولان محيطنه بو كييلرك دوشمه ملريني تأمين ايچون جزا حا كنه واسع بر صلاحيت تقدير و يرلشدر .

قانون بو کبی مجرمین ابتدائیه اصلاح حال ایدہ رک یا پیش اولدینی فعلک استلزام ایتدیکی جزادن قورتلقی ایچون بر آجیق قابو بر اقسدر .

قانون، حا که جزایی در حال تطبیق ایدوب ایتهمک خصوصندہ مطلق بر حق تقدیر ویرمکه برابر شاید تأجیل جزایه حکم ایدلش ایسه محکوم بلا قید و شرط جزادن قور تولمایوب بلکه قانونک تعیین ایتدیکی مدت لر ظرفندہ حسن حال و حرکتی و یکی بر فعل ایشله مہمہ سبلہ جزادن تخلیص کریبانہ استحقاق پیدا ایتدیکی کوسترمی ایجاب ایدر . بو صورتله مجرمین ابتدائیک مکرر اولسی احتمالی سلب وبالنتیجه محکومک اصلاح اخلاقہ خدمت ایدلش اولور .

واضع قانونلرک قویدینی تأجیل جزا اصولی هرملکتندہ بر شکلده تطبیق ایدلمہ مکدهدر . نتہ کم بلجیقا ، فرانسه کبی بعض دولتر اول باول حا کمک مظنونک سوابق و تمایلارینی تدقیق ایدہ رک حکم ایله برابر تأجیل جزایه قرار ویرمسی اساس اتخاذ ایتدکری حالده (انکلیز - آمریقان) سیستمی قبول ایدن بعض ملتر مظنون حقندہ جزا ویرلمسی ده تہلکلی بولمده و دوعریدن دوعریه محکومیتی ده تعلیق ایتکدهدر .

(انکلیز - آمریقان) سیستمی مظنون حقندہ کی ظنی محکومیت درجه سنہ ایصال ایتهمک صورتله کنديسنک ناموسی خلقت نظرندہ تہلکيه دوشورمه مک نقطه سندن شایان قبول و ترجیح اوله بیلیرسه ده اوزون مدت دوام ایدہ جک اولان دورہ انتظارده اصلاح حال ایدہ مدیکی حال و فعلیه تحقق ایدہ بیلہ جک اولان مجرم حقندہ ادله نک ضیاعی و اثبات خصوصندہ کی کوجلکلردن دولایی تطبیق جزا ایدہ مہمک تہلکسی کوز اوکنہ آلترسه اشبو اصولک فائده یرینه ضرر تولید ایدہ بیلرسی ممکندر .

(انکلیز - آمریقان) سیستمندہ مظنون دورہ انتظارده برنوع وصایت آلتندہ اولوب بو ائسادہ بر حا کمک تحت تفتیش و مراقبه سندهدر . بو صرہ لردہ مظنونی حایه ، آکا ایش بولق ، دائمی تفتیش و تدقیق آلتندہ بولندیرمق کبی بر طاقم خصوصاتده حا کم اشبو مظنونی کوز اوکنده بولندیرر .

(انکلیز - آمریقان) سیستمندہ مقابل بلجیقا و فرانسی اصولک ایسه دعوانک مجرای قانونیسی تعقیب ایتک و بو صورتله دلائل جرمیه نک محو و ضایع اولسنہ میدان بر اقامق کبی منفعتلر تأمین ایتدیکی شہه سزدر .

بلچيكا ۳۱ مایس ۱۸۸۸ تاريخنده بواصولی تطبیقه باشلامش و بلچيقادن اول فرانسده پارلامنتويه تکليف لایحهسی ویرلمش اولمغله برابر فرانسده ۲۶ مارت ۱۸۹۱ تاريخنده (تشديد و تخفیف جزا قانونی) نامی آلتنده موقع مرعیه کیرمشدر .
فرانسده تأجیل جزا اصولی، لایحهی تکليف ایدن ذالک اسمنه نسبتله « بهرائزه » قانونی ناميله معروفدر .

۱۸۸۹ تاريخلی ایتالیان جزا قانوننک اصلنده تأجیل جزا اصولی یوقدی . موخراً پارلمنتويه آیری بر لایحه ایله عرض اولمش و ۲۶ حزران ۱۹۰۴ تاريخنده Loi de Ronchetti رونشتهتی قانونی ناميله موقع مرعیه کیرمشدر .

بزدهکی تأجیل جزا احکامی فرانسز و بلچيکا اصوللرندن آلمش و مارالد کر ۱۹۰۴ تاريخلی ایتالیا قانونی الله اولمادیغی ایچون استانبولده متشکل (جزا قانونی قومیسونی) فرانسز و بلچيکا اصوللرندن مملکت ایچون قابل تطبیق اولان احکامی تعدیلاً اقتباس ایتمشدر .
آلمانیا هنوز تأجیل جزا اصولنی قبول اتمه مشدر . مع مافیه ۱۹۰۸ تاريخلی قانون جزا پروژه سنک ۳۸ نجی ماده سنده تأجیل جزا اصولی قبول اولمش ایسهده هنوز قانون جزا پروژه سی یکر می سنه یقین بر زماندر قطعیت پیدا ایده مه مش اولماسنه کوره آلمانیا نك تعلیق محکومیت و یا تأجیل جزا اصوللرندن هانکیسنی قبول ایده چکی قطعیتله در میان ایدیه مز .
تأجیل جزا اصولنک عمومیت اعتباريله فوائد و محاذیرینه کلنجه، فرانسده کی تجربه لره نظراً تعلیق جزا تطبیق اولنان مجرم ابتدایلر عددنک تناقصی بواصولک منافعی پک بارز بر شکلده کوستر مکدهدر .

بالطبع قواعد عمومیه دندر که بر حقک سوء استعمالی فائده یرینه ضرر تولید ایدر . محکمه لر تأجیل جزایی واضع قانونک مقصدی خلافه پک فضله و هر مجرمه تطبیق ایتدکلری تقدیرده شبهه سز بر چوق کیمسه لر جزاسز قاله جقلری امنیه سیله جرم ارتکاب ایتلرنده کندیلرینی سربست تلقی ایدر لر . بالعکس قانونک بخش ایتدیکی حق تقدیر کال اعتدال ایله تطبیق ایدیه چک اولورسه تصادفی مجرم لارک فنا محیطدن قور تارلمسسه امکان حاصل اولور .
واضع قانون بزده بلچيکا و فرانسه اصولنی ترجیح ایدره رک تأجیل جزا اصولنی قبول ایتمشدر . تأجیل جزا قانوننک قبول ایتدیکی شکل و اصوله کوره مظلون ایچون برحق دکل محکمه نك تقدیرینه معلق بر تدبیر عدلی در .

چونکه ۸۹ نجی ماده نك نص صریحندن مستبان اولدینی اورره حاکم [محکومک
چشمده کی حالیه اخلاقی تمایلارینه کوره جزانک تأجیلی ایلریده جرم ایشله مکدن چکینه سنه
سبب اوله جغه قناعت ایدرسه بوجزانک تأجیلنه حکم ایده بیلیر] .

مقصد قانون آشکاردر. مظلونک تمایلات اخلاقیه سی ماضیده کی حیاتی یکان یکان نظر
تفحص و تدقیقندن کچیریله جک و شاید شو وضعیته کوره محکومک جزاسنی تأجیل ایتدیکی
تقدیرده ایکنجی بر جرم ایشله مکدن چکینه جکی حقنده بر قناعت حاصل ایده بیلیرسه
تأجیل جزایه حکم ایده جکدر .

تأجیل جزانک شرطی بوجه آتی در .

برنجی شرط — تأجیل جزا طریقندن استفاده ایچون مظلونک جزای نقدی
مستنا اولق اوزره محکومیت سابقه سی موجود اولماق ایجاب ایدر .

بناء علیه مظلون مقدمما ولو قباحث درجه سنده اولسون رفع حریت و یا سورکون
جزاسیله محکوم اولسه بیله حقنده حکم اولنان جزانک تأجیلی طرفه کیدیله مز .

مع مافیه مقدمما دیوان حربلر و بوکا بمائل سائر محاکم استثنائییه طرفندن ویریلن
محکومیت قرارلری تأجیل جزایه مانع تشکیل ایتمز .

جزانک عفو خصوصی کبی بر طریقه ساقط اولسی و یا جزانک چکلمش بولنسی
و یا خود جزانک هیچ انفاذ ایدلمش بولنسی تماماً سیاندر. مع مافیه عفو عمومی مجرمیت
و محکومیتی قالدیردینی ایچون تأجیل جزایه مانع بر محکومیت قالمش اولماز .

مقدمما کندیسنک محکوم بولنسی ایکنجی جرمندن صکره آرتق حقنده بر تدبیرعدلی
اتخاذینه مانع تشکیل ایدر .

قانون ، جزای نقدی نی استنا ایتشدرد. بناء علیه حکم اولنان جزای نقدی دیلیرسه
آغیر و دیلیرسه خفیف اولسون تأجیل جزایه مانع تشکیل ایتمز. محکومک حکم اولنان
جزای نقدی نی تأدیه ایده مه مه سی صورتیه حقنده ۱۹ و ۲۴ نجی ماده لره توفیقاً حبس
جزاسی تطبیق ایدلدیکی حالده یکیدن بر جرم ایشله دیکی تقدیرده تأجیل جزا قاعده سنک
تطبیق ایدیلوب ایدیلهمیه جکی مسئله سنده قانون ساکت ایسه ده اصل حکم اولنان جزا ؛
جزای نقدی بولنسنه نظراً قلباً تطبیق ایدیلن حبس جزاسنک تأجیل جزایه مانع تشکیل
ایتمیه جکی تأجیل جزا حقنده کی احکام قانونیه نك تدقیق صره سنده استانبول قانون

جزا قومیسو نتیجه تامل ایدلش و ماده قانونیه ده کی دلالت کافی عدایدله درک آریجه بوجهتک تصریحه لزوم کورله مشدر؛ زیرا تأجیله مانع تشکیل ایدن، محکومیتدر.

ایکنجی شرط — تأجیل جزایه حکم اوله بیلیمک ایچون آغیر جزای نقدی ویا موقت سورکون یاخود آلتی آی ویا بوندن دها آز حبس و خفیف حبس جزا لرندن بریله محکوم اولسی ایجاب ایدر. بناء علیه محکومک ایشله دیکی فعلدن دولای آغیر - بس ویا آلتی ایدن فضل خفیف حبس ویا حبس ویا بوکا مماثل سائر آغیر جزا لر حکم اولمش ایسه تأجیل جزایه حکم اوله ماز.

واضع قانون؛ مظلونک ایشله دیکی فعلک استلزام ایتدیکی جزایی نظر دفته آلامش بلکه محکومک علیه ده حکم ایتدیکی جزایی تأجیل جزا ده اساس و قاعده اوله رق نظر دفته آلمشدر.

بو سببندر که حاکم تقدیری تأجیل جزا خصوصنده بدرجه دها عامل اولور. شویله که فاعلک ایقاع ایتمش اولدینی جرمک جزایی مثلاً حقارت و سوکه فعللرنده اولدینی وجهله (ماده: ۴۸۰) اوچ آی ایله اوتوز آی آره سنده متفاوت بر جزا اولدینی تقدیرده اسباب مشدده بولمنسه رغماً مظلون حقه ده آلتی ایدن فضل بر جزا حکم ایتدیکی تقدیرده کنیدیسی حقه ده تأجیل مجازاتی تطبیق ایدمه جکنه بناء حاکم بالضرور جزایی آلتی آی اوله رق تعیین ایتک اضطرارنده در.

تأجیله مانع تشکیل ایدن محکومیه دائر لاحق اولان قرارک مطلقاً چکلمسی ایجاب ایده جکی حقه ده قانونده بر صراحت بوقدر. مقدما کنیدیسنک قضیه محکمه تشکیل ایده جک وجهله محکومیت سابقه سی بولندینی تقدیرده جزانک چکیلوب چکیلمه سی نظر دفته آلتی قسزین محکومک تأجیل جزا دن استفاده سی امکانی منسلب اولور.

تأجیلک سوء استعمال ایدلمسه مانع اولق اوزره واضع قانون ۸۹ نجی ماده نک صوک فقره سیله حکمه ده تأجیلک سینک یازلمسی امر ایتمشدر. بناء علیه سبب تأجیلی قانونک امری دائره سنده حاکم قرارنده ایضاح و تفصیل ایده جکدر.

فرانسه ده تأجیل جزایه حکم اولق ایچون مظلونک همه حال حضوری شرطدر. بزده ایسه اصول محاکمات جزاییه قانونک تعدیلاتی صره سنده مظلونلرک وکیل معرفتیه کنیدیلرینی تمثیله مساع قانونی ویرلش اولدیغندن (۹۴) نجی ماده دلالتدن حاضر بولنمین محکوملر حقه ده تأجیل جزا حکمنک ویریه بیله جکی آکلاشلمقه در.

فی الحقیقه جزاسی تأجیل ایدیلن محکوم حاضر ایسه محکمه ریشی جزانک تأجیل ایدلایکی
تفهیم ایتدکن صکره یکیدن حبس ویا دها آغیر جزایی مستلزم بر جرم ایشلرسه تأجیل
اولونان جزا چکدیرملکه برابر صوکره کی جرم جزاسنک دخی شرطلرینه موافق اولدینی
تقدیرده تکرردن دولای آرتیریلایجغنی کندیسنه اخطار ایدر. شاید حاضر دکلسه بو
اخطاراته حاجت قالماز.

تأجیل جزا ایله برابر محکمه متمم جزالرك دخی تأجیل ایدلسنه قرار ویره بیلیر.
فقط محکمه متمم جزالر حقدیر بر قرار اتخاذا ایتماش ایسه متمم جزالرك چکلمسی طیبیدر.
[مثلاً امنیت عمومی اداره سنک نظارتی آلتنه التیق]

بر تضمینات قییلندن اولان جزای تقدی وضبط و مصادره سی قانوناً مجبوری اولان
اشیا ایله محاکمه مصرفلری تأجیل اولونماز. چونکه بونلر دها زیاده قسماً حقوق شخصییه
متعلق و قسماً ده اورتیدن قالدیرلسنه خادم عناصر درر.

مدعی شخصینک حقوق شخصییه سنه کلنجه؛ بالطبع تأجیل جزادن مدعی شخصینک
متأثر اولسنه امکان یوقدر. بناءً علیه حقوق شخصییه سنی مدعی شخصی محکومیتدن
صکره دائره اجرا معرفیه انفاذا ایتدیر بیلیر. واضع قانون ۱۸ یاشنی طولدیرمش
چو جقئر ایله یتشه وارمش اختیارلرك محکوم اولدقلری حبس جزاسی برسنه دن فضله
اولدینی حالده دخی بالاده کی احکامه توفیقاً برنجی دفعه محکوم اولان تصادفی مجرملری
تأجیل جزادن استفاده ایتدیرمشدر.

واضع قانون ۱۸ یاشنی اکمال ایتیمان چو جقئر هنوز تعلاتک کمال دوره سنده بولنمادیغنی
کورمش وکذلک ۷۰ یاشنه واروبده برنجی دفعه بویله بر جرم ایله محکوم اولانلر حقدده
دیگرلری کبی شدید داورانمغه لزوم کورمه مش و بناءً علیه محکومیتلری بر سنه یه قدر اوزامش
اولسه بیله تأجیل جزایه مساعده ایتمشدر.

برده محکمه تأجیل مجازاتی حقوق شخصییه نك محکوم طرفندن رضاسیله ایفاسنه ویا تأمیننه
تعلیق ایده بیلیر. بالخاصه جرائم مالیه ده ویا حقارت کبی خصوصاً صاده مظنون فعل جرمیدن
حصوله کلن ضرری تضمین وتلافی ایدر ویا اوئی تأمین ایده جک سورته مدعی شخصی نی
ارضا ایدرسه جزانک تأجیلی منفعت عامه نقطه نظرندن دها خیرلی اولور.

جرائم خصوصیه نك تأجیل مجازاته تابع اولوب اولمایه جغنی مسئله سی حقدده ده قانونده
صراحت یوقدر. مع مافیه جرائم خصوصیه نك تأجیل مجازاته تابع اولماسنی ایجاب
ایتدیرمه جک هیچ بر سببده درمیان اولنه ماز.

بناءً عليه اورمان، رژی وسائر بوكا مماثل جرائم خصوصیه ده دخی تأجیل مجازاته حکم اولنه بیلیر .

تأجیل جزانك نتایجی — تأجیل مجازاتك نتایجی ۹۵ نجی ماده ایله قانونی برشكده تعیین اولنش اولوب حاكم تأجیل جزایه حکم ایتدیکی حالده او نتایج کنیدیلكندن حاصل اولور و بو نتایجی حاكم تعدیل ایده مز .

تأجیل جزانك بری درحال تطبیق اولنق و دیگری مشروط اولق اوزره ایکی درلو نتایجی واردر .

۱ — معجل نتایج ماده مذکوره صراحتنه کوره تأجیل جزا حکم اولونان جزانك انفاذ ایلمه سنی تأمین ایدر .

بناءً عليه حبس ایله محكوم اولان شخص حقه ده تأجیل حکم اولنش ایسه ذاتاً موقوف ایسه مدعی عمومیلک درحال کنیدیسی تخلیه ایدر . بالعکس محكوم مقدا سربست برحاله ایسه حقه ده حبسخانه یه ایصال ضمنتده تعقیبات یاپیله مز .

محكومك سربست برحاله اولسی كفالتله تخلیه سی اوزرینه واقع اولنش و كفالت نقداً محكمه و زنه نه ده پو ایدلش ایسه كفالت آچمه سندن محكومك دعوت واقعه یه جابقی تأمین ضمنتده تقدیر اولنان مقدارك کنیدیسه رد و اعاده سی و مصارف محاکمه و مدعی شخصینك ضرر و زیانی مقابلی ایچون تقدیر اولنان برقسم موجود اولدینی تقدیرده بونك محسوبی اجوا اولنسی ایجاب ایدر .

حکم اولنان جزا سورکون ویا جزای نقدی ایسه کذلک سورکون و جزای نقدینك انفاذی ضمنتده علیهنده تعقیبات یاپیله مز .

تأجیل جزانك مؤجل نتایجی — تأجیل جزایه حکم ایدلکدن صکره محكوم قانوناً [۱] تعیین اولنان مدت ظرفنده حسن حال و حرکتیه تأجیل جزایه استحقاق پیدا ایتدیکی اثبات ایتك ضرورتنده در . اشبو مدت ، تجربه دوره سی در . قانون بزده قباحت و جرملر ایچون ایکی مدت قویمشدر .

[۱] اشبو مدت فرانسه ده بزده اولدینی وجهله قانون طرفندن معین برشكده تعیین ایدلش اولدینی حالده بلجیقا، انگلتره و آمریکا کبی بعض حکومتلرده حد اعظمی قانوناً معین ایسه ده حد اصغریدن اعتباراً حاکم تقدیر یله تعیین ایده جک تجربه دوره سنده تأیلات اخلاقه سنك ابولکنی کوسترمک مجبور بئنده در . وضعیته کوره تجربه مدتی آز ویا چوق تعیین ایتك کبی منافعی دیگرینه نظرراً چوق اولان بواسولک فرانسه ده ده طرفدارلری آرقنده در .

قباحتلرده تجربه دوره سی بر سنه وجرملرده بش سنه در. واشبو مدت تأجیل جزایه حکم ویرلدیکی کوندن اعتباراً باشلار.

تأجیل جزادن استفاده ایدن محکوم یا تجربه دوره سی اثناسنده ۹۵ نجی ماده نك تعیین ایتدیکی شرائط دائره سنده یا یکی بر فعل ارتکاب ایدر. بو حالده تأجیل جزا مرتفع اولور. یاخود بو مدت ظرفنده حبس ویا دها آغیر بر جزا ایله محکوم اولمازسه تأجیل ایله حکم اولنان جزا مرتفع اولور واولکی محکومیتی اساساً واقع اولماش صایلیر.

تأجیلک رفی — تأجیلک رفی قباحتلرده ایکی شکلده واقع اولور:

۱ — قباحت ایله محکوم اولان کیمسه حکم تاریخندن اعتباراً بر سنه ظرفنده بر جرمندن ویا اولجه حکمی ویرن محکمه نك دائره سی داخلنده دیگر بر قباحتدن دولای حبس جزاسنه دوچار اولورسه اولجه محکوم اولوب تأجیل اولنان جزا بو کره ارتکاب ایدوب محکمه جه حکم اولنان جزا ایله برلکده انفاذ اولنور. کورلیور که واضع قانون قباحت محکومیتلرنده صکره دن ایقاع اولنان فعلک جرم ویا قباحت حبس اولمسنه کوره ایکنجی محکومیتک اولکی محکومیت قرارینی ویرن محکمه نك دائره سی داخلنده اولوب اولماسنی آوامشدر. استانبول قانون جزا قومیسسیون بونی بروجه آتی سبیدن دولای تفریق ایشدر:

اسکی قباحت جرائمی ایچون سجل عدلی طولیوردی. مع مافیه قباحت جزالری حقدنه قومیسسیونجه اون بش کوندن فضله حبس جزاسی تعیین ایدلدیکی ایچون قباحت جرائمک انزلرینی دیگر بر محکمه ده بولق امکانی کورلمدی. وبناء علیه قباحت جزاسی ایچون همه حال اولکی محکومیت ایله ایکنجیسنک عینی محکمه دن ویرلسی شرط اتخاذا ایدلمشدی.

حالبوکه ایتالیان قانون جزاسی قبول ایدیلرک افعال ممنوعه ایکیه تقسیم ایدلدکن وقباحت جزالرینک حد اعظمی بر سنه یه ابلاغ ایدلدکن صکره استانبول قومیسسیونک قبول ایتدیکی سیستمک ابقاسنده بر فائده قالمامشدی. مع مافیه ۹۵ نجی ماده بوسورتله قالمشدر.

۲) جرملره کلنجه حبس ایله محکوم اولان کیمسه ینه حکم تاریخندن اعتباراً بش سنه ظرفنده حبس ویا دها آغیر بر جزایه محکوم اولدینی تقدیرده هرایی جزا آیری آیری تنفید اولنور.

بو فقره ده دخی بر ذهول اولدینی قناعتده یز. چونکه ۸۹ هجری ماده ده تأجیل جزانک بخش ایدلمسی ایچون اولجه جزای نقدی دن باشقه بر جزا ایله محکوم اولماق ایجاب ایدر. بناءً علیه مقدما سورکون جزاسیله محکوم اولان شخص تأجیل جزادن استفاده ایده مز. کذلک سورکون جزاسی تأجیل اولنه بیلیر. بناءً علیه منطقیاً سورکون جزاسیله مقدما محکوم اولان شخص مؤخرأ حبس ویا دهآ آغیر جزایی مستلزم بر فعل ایشلدیکی تقدیرده تأجیل جزا ساقط اولمی وهر ایکی جزا آیری آیری انفاذ اولنمایدیر. قانون بو خصوص حقننده سا کتدر.

قانون هر ایکی حالده ده جزا لک آیری آیری انفاذ اولنه جغنی کوستر مکده اولسنه نظراً اجتماع جرائمه قیاساً قانون جزانک احکام عمومیه سنک یدنجی بابی تطبیق اولنه ماز. تأجیل جزاسنه حکم اولنان شخص یکیدن ایقاع ایتدیکی فعل ایله سورکون جزاسیله محکوم اولدینی تقدیرده اولجه استفاده ایتدیکی تأجیلی ساقط اولماز. چونکه تأجیلی قالدیر مق ایچون مطلقاً حبس ویا دهآ آغیر بر جزایی مستلزم بر فعل ایقاعنی قانون شرط ایشدر. محکومیت سابقه نک زوالی — قانونده تعیین اولنان بر ویا خود بش سنه لک مدت لر کچمش اولسنه رغماً محکومک یکی بر حبس جزاسنی مستلزم بر فعل ایقاع ایتاماسی حالنده اولکی محکومیتی اساساً واقع اولماش صاییلیر.

وبالطبع بر دهآ اسکی محکومیتک انفاذینه امکان قالمادینی کبی مقدما ایشلدیکی فعلدن دولایی لاحق اولان محکومیت بستیون قالفه جغنی ایچون بو مدت لک مرورندن صکره یکی بر جرم ایقاع ایتسه مجرم ابتدائی کبی معامله کورور. بناءً علیه یکی بر تأجیلدن استفاده ایدر. و تکرر جرم حقننده کی احکام قانونیه کندیسنه تطبیق ایدیله مز وسقوط ایدن حقوق ممنوعه سی تماماً و قانوناً کندیلمکندن عودت ایدر.

حقوق فاکولته سی مدرسلرندن

مهرت فرید